



6. November 2025

Aalisarnermut Piniarnermullu Naalakkersuisoqarfik

Pinngortitaleriffik ulloq 30. oktobari 2025 Aalisarnermut Piniarnermullu Naalakkersuisoqarfimmiit tusarniaassummik tigusaqarpoq 2026imi saarullinniarnissamut TAC'mik aalajangiisoqarnissaanut tunngasumik.

Pinngortitaleriffik tusarniaassummut tunngatillugu makkuninnga akissutissaqarpoq:

Tunu - avataani

Tusarniaassutigineqartumi siunnersuutigineqarpoq pisassiissutit qaffaaffigineqassasut " aalisarnerup killissarsiornissaanut" tunngatillugu. Taanna qanoq paasisariaqarnersoq erseqqissaatigineqartariaqarpoq. Saarullittassat amerlinerisigut saarullinniarnermi kingunerluuteqarnissaata tungaanut imaluunniit peqassutsimut ajoqutaalernissaa tikillugu pineqarpat, taava Pinngortitaleriffik naliliivoq ungasinnerusumut isigissagaanni saarullegqassusaanut kingunerluuteqarsinnaassasoq.

Kitaata avataani:

Qulequtaq: "Nunatta Kitaa – Saarulliit avataani suffisartut"

Oqaaseqatigiinni immikkoortuni nunatta Kitaata Avataani aalisarneq nassuiaatigineqarpoq. Pinngortitaleriffiup maluginiarpaa qulequtaa imarisaanut eqquuppallaanngitsoq, tassami saarulliit avataani suffisartut aamma sinerissap qanittuniani aalisarneqartarmata, Nunattalu Kitaata Avataani saarullinniarnermi aamma Tunumeersut-Islandimeersut aalisarneqartarlutik.

Tusarniaassutaasumi siunnersuutigineqarpoq avataani saarullinniarnermi TAC 116.000 tonsiussasut kiisalu sinerissap qanittuani aalisariutitut 6 meterit angullugit angissusilinnut 5.000 tonsit pisassiissutigineqassasut; tassa katillugit 21.000 tonsit. Taaneqarporlu TAC aqutsinermut pilersaarut malillugit annertussusilerneqartoq, tassani assigiinngissutsit annertunerpaamik ukiumut 15%iusarnissaat akuerineqarsinnaasarami. Tamannali kukkuneruvoq, tassami sumiiffimmi pineqartumi TAC katillugu 2025imut sanilliukkaanni 27%imik qaffaaffigineqarnissaa pineqarmat (16.500 tonsit ukiumut).

Saarulliit Nunatta Kitaata Avataani aalisarneqartut aamma sinerissap qaniittuani aalisarneqartarput sumiiffinni taakkunani utikaajaarlutik ingerlaartuartaramik. Sinerissap Avataani pisassiissutit qaffaaffigerujussuarneqaraangata sinerissap qanittuani ajortumik kinguneqartarpoq taamaasillunilu saarullegqassutsip tamakkiisumik piujuartinniarneqarnera akornguserneqassalluni.

Tusarniaanermi tabelinut tunngatillugu naalinginnaasumik oqaaseqaat:

Tabel 1imi Kitaata Avataani saarulleqatigiit suffisartut pillugit 2025imut 2026imullu siunnersuinerit allanneqarsimapput. Siunnersuinerimilu Kitaata tamakkerlugu pineqarpoq (sinerissap qanittua avataalu) taamaattumillu avataani pisassiissutitut pisassiissutissatullu siunnersuutitut toqqaannartumik sanillersuunneqarsinnaanani. Taamaattumik tabeli taamatut inissisimanermini eqqunngitsumik ersernerluttumillu takutitsivoq.

Nunatta Kitaani 2024imi misileraalluni aalisarnermi 3.000 tonsinik NAFOp sumiiffiliaanut arfinilinnut (1A – 1F) agguanneqarsimasumut pisassiissuteqartitsivoq.

Tabel 2mi sinerissap qanittuani suffisartut siunnersuiffigineqarneri ipput sinerissap qanittuanut pisassiissutissatut siunnersuummut ilaatinneqaramik. Sinerissap qanittuani aalisagaqatigiiaat tamakkerlugit aalisartarmatigit, pisassissutaasut pisassiissutissatullu siunnersuutigineqartut toqqaannartumik siunnersuinerimut assersuunneqarsinnaangillat.

Tabelimi ataaniittumi saarulleqatigiiaat assigiinngitsut 2026imi pisinneqarsinnaasutut naatsorsorneqarneri ersipput, tassani aallaavigineqarput pisassiissutissatut siunnersuutigineqartut aammalu ilalisaataat aallaavigalugit saarulleqatigiiaat 2024imi agguataarneqarneranni aallaaveqarluni suliaasut.

Tabeli: Saarullit tonsit 2026imi sinerissap qanittuani, avataatalu avannaatungaani kujataanilu sumiiffinni Kitaaniittuni saarulleqatigiiaanut assigiinngitsunut agguataarneqarsimasut aalisarneqarsimanerat aammalu Tunumi, pisassiissutissatut siunnersuutigineqarnerat 2024imilu saarulleqatigiiaat ilalisaatimikkut immikkoortiterneqarsinnaaneri aallaavigalugit agguataarneqarsimaneri.

Sumiiffik/Saarulleqatigiiaat	Avataani saarulleqatigiit	Sinerissap qanittuani saarulleqatigiit	Tunumi-Islandimi saarulleqatigiiaat	KATILLUGIT
<i>Sinerissap qanittua</i>	7.898	11.638	5.279	24.815
<i>Avataa Avannaa (1A-1C)</i>	2.951	0.858	2.492	6.300
<i>Avataata kujataa (1D-1F)</i>	3.662	1.484	9.553	14.700
<i>Tunu Dohrn bankep kujattaani</i>			8.000	8.000
<i>Tunu Dohrn bankemi</i>			32.000	32.000
TAMAKKERLUGU	14.510	13.980	57.324	85.815
Siunnersuineq	4.708	4.336	23.518	

Eqikkakkamik oqaaseqaatit

Pinngortitaleriffik naliliivoq Tunumi Kitaanilu pisassiissutissatut siunnersuutigineqartut ataatsimut isigalugit 2026imut ilisimatuussutsikkut siunnersuinerminngarnit qaffasinnerujussuusut. Ingammik Tunumi pisassiissutissatut siunnersuutigineqartoq “aalisarnerup killissarsionnissaanut” tunngasoq ernumassuteqarnissamik pilersitsivoq, aalisartoqarpallaarujussuarsinnaaleriartaartoqarsinnaassammat.

Kitaata Avataanut tunngatillugu maluginiarneqarpoq pissassiissutissatut siunnersuutaasoq aqutsinermi pilersarusiornermi ileqqusoq malinneqanngimmat, malikkaannimi TAC ukiumut annerpaamik 15%imik allannguuteqarsinnaasussaagaluarumi.

Inussiarnersumik Inuulluaqqusillunga

Søren Post,

Email: sopo@natur.gl *Aalisakkanut Qalerualinnullu Immikkoortortaqarfimmi pisortaq*